



☒☒ Dobrodošli na InŠkolu ☒☒

Konačno!!! InŠkola je od danas aktivna i spremna za korištenje. Podijelite sa nama prve utiske, čekamo vas!



DOBRODOŠLI NA INŠKOLU 2.0.

JER NASTAVNICI SU VAŽNI!

O InŠkoli

InŠkola je nova, digitalna, profesionalna društvena mreža osmišljena i kreirana od strane Centra za obrazovne inicijative „Step by Step“. Nastala je kao rezultat dugogodišnjeg rada i potrebe da se iskustva iz učionica i škola razmjenjuju u digitalnom prostoru.

Namijenjena je odgajateljima i odgajateljicama; učiteljima i učiteljicama; nastavnicima i nastavnicima; profesorima i profesoricama; stručnim saradnicima i saradnicama. Zamišljena je kao prostor za profesionalno usavršavanje, razmjenu znanja, ideja i inovacija, te kao prostor povezivanja odgojno-obrazovnih radnika na svim nivoima obrazovanja u Bosni i Hercegovini i Balkanu.

InŠkola je mjesto na koje svi zainteresovani zaljubljenici u odgoj i obrazovanje dolaze sa potrebom za unapređenje svog rada u vrtićkoj sobi, učionici, školi, a sa istog odlaze sa mnoštvom novih ideja, inspiracija i poticaja za kreiranjem drugačijeg rada. Ostavljat ćemo za sobom trag na InŠkoli kroz kreiranje priprema iz učionica, dijeljenje resursa i pričanjem pozitivnih priča iz svoje učionice i svog

iskustva rada sa djecom, mladima i nastavnicima.

InŠkola nudi:

- Pronalazak i kreiranje resursa za učionice koji se odnose na pripreme za časove na svim nivoima odgoja i obrazovanja; opise metoda, strategija i tehnika za nastavni proces
- Čitanje različitih publikacija i priručika za unapređenje kvaliteta odgoja i obrazovanja
- Kreiranje autorskih tekstova i čitanje o promišljanjima drugih nastavnika i nastavnica
- Pronalazak prilika za profesionalni razvoj i usavršavanje: pohađanje obuka, treninga, seminara, webinara, konferencija
- Povezivanje sa Zajednicom inovativnih nastavnika i nastavnica: razmjena poruka, komentara, postavljanje pitanja.


Ostalo istražite Vi.

Kreiranje obrazovnog sadržaja kao i njegovo dijeljenje sa drugima, pomoći će nastavnicima širom BiH da oblikuju inovativne pristupe u obrazovanju, te da se povežu sa istomišljenicima i ljudima koji dijele istu misiju i cilj – stvaranje dobrog obrazovanja i čuvanje radosti djetinjstva za svako dijete.

InŠkola će **InNastavnicama** i **InNastavnicima** pružiti priliku da međusobno komuniciraju, odnosno, ćaskaju o svemu što im je važno – dijele svoje probleme, teškoće, izazove ali i one lijepe i poticajne priče iz učionice i ono najvažnije – međusobno se podržavaju, pomažu i motiviraju na putu dobrih nastavnika i nastavnica.

Za one koji žele više – spremili smo mogućnost kreiranja autorskih članaka. To znači da ćete na InŠkoli moći pisati i promišljati o svemu što je vama važno u obrazovanju, školi, društvu. Na taj način širimo društvenu svijest o ulozi obrazovanja, te ulozi nastavnika i nastavnica u društvu, izazovima i teškoćama sa kojima se suočavaju, ali i onim snažnim, jakim i neponovljivim pričama koje vraćaju vjeru u druge.

Zajednica inovativnih nastavnika i nastavnica



Zajednica je prostor otvoren za unapređenje kvalitete obrazovanja, učenje, razmjenu, profesionalnu i ljudsku podršku i kritičko promišljanje. Takvu zajednicu čine nastavnici i nastavnice - zaljubljenici u obrazovanje koji žele unapređivati svoje profesionalne kompetencije i pomoći drugima da napreduju, jer vjeruju da samo zajedničkim djelovanjem možemo stvarati dobro obrazovanje.

Ako vjerujete da je pravo svakog djeteta na kvalitetno obrazovanje neupitno, ako smatrate da obrazovanje mora biti vrijednost, prioritet i obaveza cijelog društva, ako želite da se glas nastavnika čuje, a nastavnička profesija poštuje - pozivamo vas da nam se pridružite i postanete #innastavnik.

Vodič za korištenje

Za lakše upoznavanje i korištenje InŠkole, za vas smo pripremili kratki vodič koji će vam olakšati prvo uređivanje profila, prvo kreiranje i dijeljenje sadržaja i pokazati vam najvažnije dijelove društvene mreže na kojoj **#nastavnicisuvažni**.

Tehnička podrška

Ukoliko se pojave nova pitanja, nedoumice ili izazovi tokom korištenja InŠkole, budite slobodni pisati [Belmi](#) direktno putem poruke na InŠkoli.

Collections

Inspiriraj druge